

Universitätsbibliothek Paderborn

Cornelii Iansenii Episcopi Iprensis Avgvstinvs

In Qvo Genuina sententia S. Avgvstini de humanæ naturæ stantis, lapsæ, puræ statu & viribus eruitur & explicatur

Jansenius, Cornelius

Lovanii, 1640

28. Qualis esse debeat Lector sancti Augustini. Qua[n]tum ab Augustini doctrina recentior Theologia distet, tum rebus ipsis tum docendi modo.

urn:nbn:de:hbz:466:1-13673

absurditatis non minimam præ se ferunt: sed A ad occultos unde manant fontes revocata, veritate in ipsis supernè radiante, certissima & omni acceptione digna deprehendas. Verum quia res ista non est unius mensis aut anni, vel unius tumultuarie lectionis operum ejus, quā

quemadmodum canis ex Nilo bibit, auctorum scripta consuluntur; sed pertinacis laboris, totiusq; pœnè vita occupatio, hinc sit, ut paucis vacet aut lubeat molestias istas cœdiaq; devorare, ut veram profundissimi Doctoris intelligentiam consequantur.

C A P V T X X V I I .

Qualis esse debeat Lector sancti Augustini. Quantū ab Augustini doctrina recentior Theologia distet, tum rebus ipsis, tum docendi modo.

NA m & illud inter cetera post aliquam non perfactoriam istius Doctoris experientiam, verissimum esse judico, neminem nisi miraculo omnipotentis Dei, genuinum sensum ejus assecuturum, qui semel cum percurrendo, satis trivile se arbitriabitur; multoq; minus, qui quemadmodum à quibusdam hoc tempore fieri solet, lacinias hinc inde citatas abruptasq; in fonte consulat, aut sententias in eo querat, quibus concepta sua, pronuntiataque muniantur: maxime vero ab omni spe profectus remotos esse, qui animo Philosophiae Aristotelicæ, vel Scholasticae recentioris opinionibus præoccupato, pelagus istud ingressi fuerint. Quod enim olim Augustino cum veterosis opinioribus luctanti accidit, & ipsis quoque ulu veniet; ut cum aliquid veritatis, quam ponderat omnibus Augustinus docuisse videatur, sublucere cœperit, statim circumvolitans mentis aciem turba præconceptorum phantasmatū irruat in aspectum eorum, & obnubilet eum: quasi dicere: quō itis immundi, quō itis? Hoc enim unum ex molestissimis mihi fuisse non diffiteor, qui recentiorum quorundam altercationibus & sententijs gravidus, secundum eas conabar de sensis ejus doctrinâque judicare. Habet enim sacratissimus iste Doctor nescio quid cū facili litteris quas medullitus hauserat propriis, quod cum discipuli humilitate, nō cum Censoris supercilio legi velit. Nā inde, & non alio ex capite profectū est, quod nonnulli Scholastici, qui se multū sapere crediderunt, in tā animos aspissimæ cœsiuras Augustinianæ doctrinæ proruperunt: à cuius vero intellectu tam prœcul absunt ut sanctum Scriptorem clausis aut extinctis oculis legisse videantur. Cum enim Theologiam suam recentem, quæ magnopere ad humanæ rationis modulum, & Philosophiae gentilis regulas concinnata est, tanquam normam judicandi de omnibus Augustini pronuntiations adhibent, & omnino sequendam putant, penè ad singulos offendunt passus, & Augustini doctrinam, quod quidam etiam palam conquesu referuntur, mille errorum occasionem sectatoribus ejus futuram omniantr. quod quidem, si Theologia recentior quam ipsi tradunt, incorruptæ censuræ norma est, verissimum puto. Tanto enim intervallo

A ab Augustini Theologia discrepat, ut vel ipse Augustinus, quantum hallucinari in gravissimis rebus potest, multipliciter hallucinatus sit: vel si Augustinus divinarum rerum veritatem cùm de alijs multis capitibus, tum præcipue de gratia & prædestinatione contra Pelagianos juxta Catholicæ Ecclesiæ sensum docuit, recentiores isti profecto tantum ab ostio veræ Theologie, fide salvâ aberraverint, ut neque fidem Christianam, quam animo ut Catholicæ tenent, neque spem, neque cupiditatem, neque charitatem, neque naturam, neque gratiam; eamque neque Angelorum, neque hominum, neque stantium, neque laporum, neque sufficientem, neque efficacem, neque operantem, neque cooperantem, neque prævenientem, neque sublequentem, neque extitantem, neque adjuvantem, neque vitium, neque virtutem, neque opus bonum, neque peccatum, neque originale, neque actualē, neque meritum, neque mercedem ejus, neque præmium, neque supplicium creaturae rationalis; neque beatitudinem, neque misericordiam ejus, neque liberum, neque servum arbitrium, neque prædestinationem, neque effectum ejus, neque timorem, neque amorem Dei, neque iustitiam, neque misericordiam ejus, denique neque vetus, neque novum Testamentum intelligere videantur: sed Babyloniacam quandam confusientem, Cimmeriasque quasi tenebras in Theologiæ moralis faciem, nimium ratiocinationibus indulgendo intulisse. Hyperbolice vel temerè me ista fundere circa dubium lector quisque modestior arbitriabitur, sed singula suis locis, multoq; fortassis plura quam dixi, juxta sancti Augustini principia, Deo juvante, patet. In quibus penetrantis, quamvis forte multorum annorum assiduo labore, & iterata decies, imò vices ac tricies lectione librorum ejus, multisq; precibus ad Deum fusis, non multum profecerim; hoc saltem unum assecutus sum, ut non obscurè mihi cernere videar, quam procul hujusmodi recentiores in multis mysterijs percipiendis ab Augustini mente deviaverint. Cujus quidem aberrationis causa præcipua, & pœnè dixerim sola est, meo iudicio, ea quam dixi, nimia Philosophia, cuius amore quasi ebrij, neglectis Augustini monumentis,

63 DE RATIONE ET AVCTORITATE 64

mentis, qui primus profunda de tenebris evocaverat, arcana illa mysteria iterum quasi sepulta deletaque, secundum humanæ rationis regulas, eruere, penetrare, formare, & judicare voluerunt. Hinc ille ardor de quolibet disputandi, quidlibet eorum in dubium revocandi, qua jam semel definita esse nesciebant. Hinc eorum Theologia innumerabilium opinionum farragine referta est, per quas poenè omnia quantumcumque contraria, facta sunt probabilitia, qua secundum eorum pronuntiata cuilibet tueri licet; Ita vix quicquam certi, præter fidem formandarum novarum sententiarum promptitudo reliquum fecit. Præcipitatis enim poena suspenditum; hoc est, temeritatis comes hæsitantia, & incertitudo. Nihil enim naturalius & vicinius, quam ut homines ex Peripateticis fiant Academicis: quorum illi sublunente ratincula sententiam exemplò præcipitant: hi temeritatis ducti penitentiā, semper hæsitant, & nunc hoc nunc illud animo fluctuante displaceat, placet, improbat, probant. Vnde fit ut quod eis hodie probabile est, cras falsum judicetur: quod heri verum, hodie improbabile & paradoxum. Instar Euripi reciprocantis æstus suos talium Theologię vadit & reddit, volvit & revolvitur, ex incertis continuo certa, & ex certis incerta fabricando, prout sectatorū audacia & multitudine suffragatur & refragatur. Non enim immobilibus fundamentis fidei pleræque sententiae suffulta sunt; sed arenis humanarum suspiciorum, qua phantasmatum ludibrijs nunc hoc nunc aliud arripientibus agitantur, ut quemadmodum Augustinus dixit: *Dum in his est cogitatio, intelligentia ea se cernere arbitrentur. Nam hanc esse falsarum omnium sententiarum ori-*

L. 6. de
dæficiac. II.

ginem, idem Augustinus præclarè significavit, quando dixit: *Sequentur nonnulli phantasias, ita matas sua tam præcipes, ut nulla sit alia MATERIES OMNIVM FALSARVM OPINIONVM, QVAM HABERE PHANTASIAS VAL PHANTASMATA PRO COGNITIS.*

Non ita Doctor ille solidissimus; sed ubi veritas cum in rebus magnis quoquo modo latet, suspenso pede ingreditur, disputando potius, quam alterutrum refolvo, ne notam temeritatis incurrit: *In multo pluribus querimus potius, quid sentendum sit, quam definitum aliquid, fixumque sentimus: Et ea cautio cum sollicitudinis plena sit, multo melior est tamen, quam temeritas affirmandi. Ex qua cautionis observata norma certi in Augustino sumus, quod ubi aliquid tanquam verum, sive hæreticos refellendo, sive Catholicos instruendo incunctanter affirmat, de perspecta ei veritate, quamvis nobis forte ignota, nec satis intellecta, securi esse debeamus. Recte est autem, inquit, re ratiæ atque congruentia loqui, nihil audacter refellendo, nihil tenerè affirmando, dum adnudubium est, verum falsumne sit, sive fidei, sive scientia Christianæ: quod autem doseri potest, vel rerum rationes apertissimā, vel Scripturarum auctoritate certissimā, sine cunctatione afferendo. Hoc enim apud Augustinum errare est, aliud pro alio putare: quod non solum contingit, quando approbantur falsa pro veris, vel improbantur vera pro falsis: sed etiam quando habentur incerta pro certis, vel certa pro incertis. Quo sanè malo nihil hoc tempore familiarius in scholis quibusdam dominatur, ubi certatim novam quisque suspicionem, si scitatores corrogaverit, tanquam certam veritatem, exploratamque defendit.*

C A P V T X X I X .

Scopus auctoris mentem Augustini de naturæ humanæ statu, de gratia, de prædestinatione sincrè patefacere. Quid spectandum sit ijs qui aliud forte senserint.

Quo si fortassis me quoque in rebus istis magnis & multis, quas ex Augustino afferimus, aberrasse putet, fieri potuisse non diffiteor. Veruntamen ubicumque mihi non certis ex testimonij Augustini liquet, quid de rebus obscuris ipse senserit, quantum Deo juvante potui, ab afferendi præcipitatione temperavi: ubi vero traditæ ab eo sententiae certitudo perspicuis & consonantibus undique principijs ac documentis aperitur, nefas putavi, id quod eliquata veritas ipsius esse demonstrasset, non incunctanter tanquam ipsius, quamvis refrangentibus Scholasticis universis, afferere. Hoc enim ipse me proximè citatis verbis docuit, & ita faciendum esse, ratio perspicua, & reverentia, quam debemus perspectæ veritati, consulta respondet.

Nec vero mihi formidandum putavi, ne dicar plus quam ceteros in rebus periculis velle sapere. Sententiam enim non tam attuli meam, quam speculando commentus sim; sed id, quod Augustinus de gravissimis rebus, ac discipuli ejus, vel ipsa subinde verus Ecclesia sensit ac docuit, fideliter indagavi, sincrè patefeci, & eorum sententiam esse constanter afferui. Rationes adjeci, quibus illa ipsa sua seusa vel in scriptis suis fulserint, vel fulcire voluisse videbantur. Denique quæ diversis in locis simpliciter de rebus jam controversis afferuerant, ad principia unde flunt revocavi, ut totius doctrinæ quam tradiderunt, firmitas, vel infirmitas uni obtutui lectoris obijceretur. In quo si forte hallucinatus sum, Augustini existimando, quod ipse forte diligenter exculsus improbaverit, quam venialis

error